

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 041-0-SU-23-001032
Visoko, 31.5.2023. godine**

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke, u postupku javne nabavke računara i računarske opreme za potrebe Općinskog suda u Visokom, d o n o s i m

**ODLUKU
o dodjeli Ugovora drugorangiranom ponuđaču**

Stavlja se van snage Odluka o izboru najpovoljnijeg ponuđača broj 041-0-SU-23-000986 od 23.5.2023. godine u postupku javne nabavke računara i računarske opreme za potrebe Općinskog suda u Visokom te se Ugovor za javnu nabavku računara i računarske oprema dodjeljuje se ponuđaču „EMADO“ d.o.o. Sarajevo Azize Šaćirbegović 112, 71000 Sarajevo, ponuda broj NR1905-22/23 od 17.5.2023. godine za ponuđenu cijenu **19.800,00 KM bez PDV-a**, kao drugorangiranom ponuđaču nakon završetka e-aukcije.

Izabrani ponuđač je dužan u roku od 7 (sedam) dana od dana zaprimanja ove odluke, dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Ova odluka objavit će se na web stranici Općinskog suda u Visokom, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uvjetima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke računara i računarske opreme za službene potrebe Općinskog suda u Visokom pokrenut je Odlukom o pokretanju postupka javne nabavke, broj 041-0-SU-23-000616 od 3.4.2023. godine, u kojoj je predviđeno da je procijenjena vrijednost javne nabavke, bez PDV-a 25.000,00 KM bez PDV-a.

Postupak javne nabavke računara i računarske opreme za potrebe Općinskog suda u Visokom, proveden je putem konkurentskog zahtjeva za dostavu ponuda, broj 041-0-SU-23-000846 od 8.5.2023. godine.

Tenderska dokumentacija i Obavještenje o nabavci broj 4256-7-1-18-3-1/23 od dana 8.5.2023. godine, objavljeno je na Portalu javnih nabavki dana 8.5.2023. godine. Sažetak Obavještenja o nabavci objavljen je u „Službenom glasniku Bosne i Hercegovine“ broj 33/23 od 12.5.2023. godine.

Komisija za javne nabavke Općinskog suda u Visokom, imenovana rješenjem predsjednika Općinskog suda u Visokom, broj 041-0-SU-23-000626 od 3.4.2023. godine, dostavila je dana 23.5.2023. godine predsjedniku Općinskog suda u Visokom Zapisnik o pregledu i ocjeni ponuda broj

041-0-SU-23-000956 od 19.5.2023. godine, sačinjen prije održavanja e-aukcije i Zapisnik o pregledu i ocjeni ponuda broj 041-0-SU-23-000985 od 23.5.2023. godine sačinjen poslije održavanja e-aukcije sa preporukom o izboru najpovoljnijeg ponuđača za nabavku roba računara i računarske opreme.

Komisija za javne nabavke je navela da je blagovremeno i pravilno izvršila javno otvaranje ponuda i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je ukupno prispjelih pet ponuda i da su sve prispjele ponude ponuđača blagovremene, pristigle sljedećim redoslijedom:

1. „IMTEC“ d.o.o. Sarajevo, Bosanski put bb, 71380 Ilijaš,
2. „PRINTEX“ d.o.o. Sarajevo, Sarajevo Hasana Sušića 9 i 11, 71000 Sarajevo,
3. „UNIVERZALNO“ d.o.o. Sarajevo Hasana Brkića bb, 71000 Sarajevo,
4. „EMADO“ d.o.o. Sarajevo Azize Šaćirbegović 112, 71000 Sarajevo,
5. „DIGITARIJA“ d.o.o. Sarajevo Zmaja od Bosne 14c, 71000 Sarajevo.

Kopija Zapisnika sa otvaranja ponuda, broj 041-0-SU-23-000955 od 19.5.2023. godine dostavljena je ponuđačima putem e-maila dana 19.5.2023. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Komisija je nastavila sa radom radi formalno pravne i suštinske provjere prispjelih ponuda, te evaluacijom ponuda i analizom dostavljene dokumentacije utvrdila da su sve dostavljene ponude kvalifikovane, prihvatljive, računski tačne i da su uz ponude dostavljeni dokazi traženi tenderskom dokumentacijom.

Nakon izvršenog pregleda i ocjene ponuda zakazana je e-aukcija sa kvalifikovanim ponuđačima u skladu sa Pravilnikom o uslovima i načinu korištenja E-aukcije („Službeni glasnik Bosne i Hercegovine”, broj 66/16) za dan 23.5.2023. godine u 10,00 sati sa predviđenim trajanjem od 10 minuta.

Nakon uspješno okončane e-aukcije, zakazane i održane dana 23.5.2023. godine u 10,00 sati Komisija za javne nabavke je ponovo zasjedala dana 23.5.2023 godine u 11,00 sati i razmatrala Izvještaj o toku i završetku e-aukcije.

Na osnovu izvještaja o toku i završetku e-aukcije Komisija je konstatovala da je e-aukcija trajala od 10,00 sati do 10:10 sati i konačna rang lista ponuđača koji su učestvovali u E-aukciji je slijedeća:

1. „UNIVERZALNO“ d.o.o. Sarajevo Hasana Brkića bb, 71000 Sarajevo
-ukupna cijena ponude bez PDV-a..... 19.700,00 KM
2. „EMADO“ d.o.o. Sarajevo Azize Šaćirbegović 112, 71000 Sarajevo
-ukupna cijena ponude bez PDV-a..... 19.800,00 KM
3. „PRINTEX“ d.o.o. Sarajevo, Sarajevo Hasana Sušića 9 i 11, 71000 Sarajevo
-ukupna cijena ponude bez PDV-a..... 24.000,00 KM
4. „DIGITARIJA“ d.o.o. Sarajevo Zmaja od Bosne 14c, 71000 Sarajevo
-ukupna cijena ponude bez PDV-a..... 24.980,00 KM
5. „IMTEC“ d.o.o. Sarajevo, Bosanski put bb, 71380 Ilijaš
-ukupna cijena ponude bez PDV-a..... 25.000,00 KM

Imajući u vidu da je kriterij za dodjelu ugovora najniža cijena i da je ponuda ponuđača „UNIVERZALNO“ d.o.o. Sarajevo, Hasana Brkića bb, 71000 Sarajevo koja iznosi 19.700,00 KM bez PDV-a ocijenjena kao najpovoljnija ponuda nakon uspješno okončane e-aukcije, Komisija za javne nabavke je predložila Ugovornom organu da donese Odluku o izboru najpovoljnijeg i zaključi Ugovor.

Odluka o izboru najpovoljnijeg ponuđača broj 041-0-SU-23-000986 od 23.5.2023. godine sa Zapisnikom o pregledu i ocjeni ponuda prije održavanja e-aukcije broj 041-0-SU-23-000956 od 19.5.2023. godine, Zapisnikom o pregledu i ocjeni ponuda poslije održavanja e-aukcije broj 041-0-SU-23-000985 od 23.5.2023. godine, Izvještajem o toku i završetku e-aukcije od 23.5.2023. godine i Obavještenjem o rezultatu postupka javne nabavke broj 041-0-SU-23-000987 od 23.5.2023. godine objavljena je na web stranici Općinskog suda u Visokom, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.


Izabrani ponuđač „UNIVERZALNO“ d.o.o. Sarajevo, Hasana Brkića bb, 71000 Sarajevo je dana 30.5.2023. godine dostavio Dopis o odustajanju od potpisivanja ugovora, broj 266-04-5/23 od 30.5.2023. godine. U dopisu, između ostalog, navode da su razlozi odustajanja nemogućnost dostavljanja potrebnih roba u predviđenom roku i činjenica da određene stavke iz ponude, koje su ključne nisu dostupne kod njihovog dobavljača, te da unatoč njihovim naporima nepovoljne okolnosti ih prisiljavaju na povlačenje iz postupka. Također navode da dostavljeni dopis služi u svrhu službene obavijesti o odustajanju od ovog postupka javne nabavke.

S obzirom na to da je izabrani ponuđač u pisanoj formi odbio dodjelu ugovora, u skladu sa članom 72. stav (3) tačka c) Zakona o javnim nabavkama Ugovor o nabavci računara i računarske oprema dodjeljuje se drugorangiranom ponuđaču „EMADO“ d.o.o. Sarajevo Azize Šaćirbegović 112, 71000 Sarajevo sa konačnom ponuđenom cijenom, nakon uspješno završene e-aukcije u iznosu od 19.800,00 KM bez uračunatog PDV-a.

Imajući u vidu naprijed navedeno odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 10 (deset) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjerala.

PREDSJEDNIK SUDA
mr. Enes Behlulović



Dostavljeno:

1. Ponuđačima x5,
2. Komisiji za javne nabavke,
3. Odsjeku za opće i računovodstevno-materijalne poslove i na web stranicu suda,
4. a/a.